

光緒山西通志

山川考四

考二之三

山西通志第三十四

賜進士出身翰林院編修都察院右副都御史巡撫山西提督軍務張煦奉旨監修

太行山下

清漳西山
緜蔓南山

清漳東山
烏河東山

洞過南山

遼沁之山起自沾嶺清漳水所源太行以北之極巔也清漳之東爲遼州和順之山其地半限於邢磁西則分支而下盤互數百里以達於濁漳之北岸其介乎遼水榆水者爲榆社武鄉黎城之山而東南極潞城之漳義隘其介乎榆水涅水又循小漳而南者爲武鄉西山沁州東山而東南抵襄垣之交河口遼陽水世稱清漳西源而榆社武鄉之水俗亦羣名爲漳故皆統以清漳西山

地形志樂平有沾嶺

明地理志樂平西南有少山一名沾嶺爲沾水清漳二水之發源遼州東南有太行山有遼陽水流合清漳水榆社西有榆水西南有武鄉水沁州西南當作西北有護甲嶺涅水出焉武鄉有涅水又西有武鄉水入焉

潞安府志漳義隘口在潞城縣東一百三十里兩山峭立中有石壑漳水經流入山壑壘行達河南昔名漳義關涅水土人亦名漳水發源和順縣西八賦嶺合榆社縣黃花嶺水武鄉縣護甲嶺水入襄垣北境東南流至合河口南入於漳水

由沾嶺而西歷和順縣境曰八賦嶺嶺之南曰武山有水下流爲榆社縣之西河嶺之東曰長山有水下流爲榆社縣之東河世以山麓相連並稱爲武鄉嶺水爲武鄉水其曰榆水

則以今縣也曰狼兒嶺曰高榆山曰北泉山並在縣北曰五峰山曰黑山並在縣東迤邐至於城南當二水之會

水經注武鄉水源出武山西南逕武鄉縣故城西而南得青谷口水源出東北長山清谷西南與釋鞬白壁二水合南入武鄉水

寰宇記武鄉水在榆社縣西一里源從平城縣西南八賦嶺出平城縣在遼州西北七十里南有八賦嶺在縣西三十里南入武鄉水又石公

泉在縣東四十里源發武鄉嶺下相傳石勒飲馬之所

舊通志狼兒嶺在榆社縣東北嶺下卽儀川河高榆山在縣北十五里嶺有田一頃四面壁立築塼環之井深四十丈有奇北泉山在縣北八里有育龍泉星月沼噴珠潭射斗峰紫衣屏伏鸞邱浴浪橋麥雲松水繞山環

古剎峙立五峰山在縣東六十里其峰五出武鄉嶺在縣東四十里層累而上嶺下卽儀川河源黑山在縣東二十五里盤踞四十里東接遼州境南接清涼山高過羣山多松下有儀川水有黑山廟又官寨在縣北五十里四面壁立一徑陟巖上可容三百人元季官民嘗避兵於此縣嶺在縣北八里

謹案寰宇記所云南八賦嶺卽水經注之武山所云

石公泉卽水經注之青谷口

今名青峪在縣東十五里與遼州之清河爲唐

之清谷府者別一地

其八賦之水自和順來流八十餘里始與

石公水會水經通稱武鄉水寰宇記謂皆出武鄉嶺

明史謂之榆水舊志謂之儀川河皆據所在之州縣

而得名

武鄉故城在縣北三十五里遼州唐先天元年改名儀州

若小漳則土人

之混稱舊志乃辨爲濁漳之一源又謂出於武鄉界

之黃花嶺皆誤榆社新志水由西北來者曰西河發於武鄉嶺與原兒嶺舊志所謂儀川河者二水交會於城之西南西鄉之水由馬會出口與之合東鄉之水由常銀出口與之合所言西鄉水即黃花嶺水水經注之黃水也東鄉水或即水經注釋稽白壁二水歟然不能詳其地矣

東河之間曰秀容山曰清涼山迤東曰箕山入遼州界地西曰關堡口入武鄉界箕山之南曰紫金山曰土門嶺曰翻鞍嶺曰武軍山爲遼州西南之山又南至銅峪當清漳入涉之口西與黎城分山關堡世以爲卽昂車關西連釋山爲武鄉縣之北山曰南亭川縣所治也涅水自西來與武鄉水會

箕字記古箕城在榆社縣東南三十里地形志曰太原二百一十里有箕城春秋僖公三十三年晉人敗狄於箕卽此又箕山在遼山縣西四十五里上有許由冢案後魏風

土記太原郡箕山有許由冢別說又云在洛州不當在此

其山有石室方四丈壁中文字篆書人莫能識案以道里

城箕山故是一地左傳杜注太原陽邑南有箕城是也故

一純志從之閩百詩遂證爲箕子封邑然二地皆去潞城

之微子嶺遠近相若似箕字訛爲可據若許由蹟則妄不

方輿紀要昂車關在武鄉縣東北七十里武鄉志在縣北

社志在縣東南四十里唐置一作印車關亦曰芒車關三里舊志榆

相近也魏收志上黨郡沾縣有昂車嶺案地形志沾縣屬

水出得車嶺據水經注引魏土地記云晉陽城東南一百

一十里至山有蔣谷大道度軒車嶺通於武鄉其蔣谷水

今太谷之象水也地形志象爲豫新唐書武鄉縣有昂

車關會昌三年劉稭以昭義畔詔討之河東節度劉沔以

兵守昂車關既而詔沔自昂車關路臨賊境又光化五年

朱全忠將氏叔琮入太行山天井關進軍帛車關是也清漳水在黎城縣東北三十里自遼州流入界東入河南涉縣境

舊通志秀容山在榆社縣東南三里縣鎮山也其勢迤邐而西山堂肆考山下有秀容川清涼山在縣東五十里盤踞四十里接武鄉縣脈連太行山下有藍玉泉箕山相傳箕子始封地唐箕州治山下有箕城址又赤山嶺在縣東南四十里郝壁洞在縣南四十里古秦縣東南三里高三十丈東南有洞澗旁有洞筆架山縣南三里遞高二里漳水環流關壑口在縣南五十里武鄉界武鄉志帛車關北十二里紫金山在遼州西十里時有紫氣土門嶺在州南三十里兩峰對峙如門武軍山在州南七十

里又翻轅嶺在州南三十里高歡洞在州南四十里有石室高歡行營憩此洞前有高歡橋偕晉陽龍山胥避暑地也

黎城縣志縣東北至遼州銅峪嶺一百里

武鄉縣志鞞山初名北原山石勒徵時嘗聞鞞聲乃改今名上連石勒砦砦在北原上半里周四十六里晉

永嘉時勅屯兵於此

案寰宇記鞞山武鄉東北六十里石勒會於此間鼓鞞聲因告其母

母曰汝作勞耳鳴非不祥也其地蓋去鞞社為近勞生武鄉縣在今榆社縣北元和志石勒其麻池在榆社縣北三十里是也若今武鄉徙於後魏時縣志所載石勒故蹟多涉附會以相傳已久姑仍之南亭川今縣治有南亭河渥水經縣西五里東段村入漳

武鄉之東山曰漏巖嶺曰墨銓峰迤而北連潞州之翻轅嶺曰胡鑿嶺曰石門隘曰大界峽迤而南連黎城之隴阜山其

循涅水而南下者有顯王山三原山監漳山迤南至襄垣之東境曰仙堂山曰趙王山迤東至黎城之西境曰礪峪山皆外臨濁漳之北曲

武鄉縣志滿巖嶺縣東六十里東山極高處墨鏡峰縣東七十里雙峰壁立胡巒嶺縣東三十里石門山縣東五十里兩山對峙中有古洞大界峽縣東七十里高峰上聳忽斷一陁山攀龍鎮入顯王村上升爲滿巖嶺崇山絕險無從覓徑界連黎城由洪水鎮入墨鏡村石壁千仞僅通行人東二十里爲鍋窰嶺界連遼州入遼者非此口無徑石門隘口爲正東諸山之總峽由南交而入至大界峽山勢驟互數百里忽然中分別開與區胡巒嶺東至大界峽東北至鍋窰嶺六十五里而入黎城

必由石門隘顯王山縣東二十里三原山在縣東南二十里有平原三卽三臺嶺監漳山縣東南三十里有會仙觀又德峰山在縣東四十里左會山西石坡牛王巖並縣東五十里箕山黃巖山天城山並縣東六十里中方洞縣東七十里界連黎城趙三眼記由陽河過伏虎崖無大岩最高者爲中方勝得云山在太行之中故曰中方上爲丸封洞半崖爲益安洞旁石如砥爲三仙臺北爲生山洞右爲俯觀洞山後爲雨玉處嶺爲捧龍門山羊徑山五峰山崇城山天崖對面爲金蓮峰並縣東一百里

潞安府志仙堂山在襄垣縣東北五十里東連黎城龍洞山四十里西北連武鄉朱家凹十里峰巍林密有龍洞湖音洞琉璃洞朱砂洞仙堂寺講經壇諸勝劉龍詩注寺之北山高千仞許西有巖巖中有洞列觀音羅漢像深入上餘丈東有周石洞已毀昔之藏經處也寺殿三佛其

左爲鐵佛座前井泉二徑甘美寺之南樹有龍洞其中
 五色雲氣若繪畫然石柱中立有蟬甲若龍盤繞狀其
 下有九折石渠西爲講壇有入而石取月梯畔雲石
 入山九折石渠西爲講壇有入而石取月梯畔雲石
 石坡歷里虹嶺有五里抵坪上越前山復西折針巖
 十五里上虹嶺有五里抵坪上越前山復西折針巖
 聖仙岡既陟降懸崖千仞俗謂舍身崖復行二里棲
 中斷結衆衣帶緙而下八轉始得石紫旃平出險
 佛龕前各面一泉殿外西北接天井山可望不可及絕
 中爲秀峰亦曰翠微西北接天井山可望不可及絕
 壁觀音洞外砌重臺天將墜止僧舍且西向琉璃洞
 中長石洞外砌重臺天將墜止僧舍且西向琉璃洞
 出共勝共西羅漢石亦名錢錢洞達過朱砂洞有佛
 者鍊大遶丹仙去所西爲講壇有入而石取月梯畔雲石
 山門外有石磴五里取月梯明入石弄洞穿百
 中至下橋基又五里取月梯明入石弄洞穿百
 朱兆趙王山在縣東北四十里有石勒屯兵遺蹟又九
 處趙王山在縣東北四十里有石勒屯兵遺蹟又九
 仙峰縣東北三十五里西有筆頭峰強記嶺亦在縣東
 北臨水經其下隴阜山在黎城縣西北百里山半有昭
 澤龍洞深數十里入洞十尋有池四咸深數尺後又有

方池深不可測側立石牛二若戲水狀又後三池咸有水又後爲洞瑩映晶杳人莫敢入唐昭澤王焦氏棲此
彌峪山在縣西七十里有洞深六七里產鍾乳石

其在黎城縣者與隴阜山連麓而北曰曬布崖曰望夫山其東曰積布山迤而北與遼州界曰銅山曰石圪山又東爲清漳西岸其南曰金牙山曰繡屏山下臨吾兒峪古壺口關也與彌峪山支阜相倚曰嵐山其東曰王至山迤而南濱於濁漳曰五仙山聯珠山又東爲黃須水口王至山之左曰白巖山黃須水所出也其東岡阜起伏以達於嶺口關之南曰東神山曰路祠山又南曰赤壁濁漳東出之峽也其北有崆峒山與涉縣界而東至潞城之漳義隘口與林縣界

續漢書郡國志上黨郡潞本國注左傳哀四年齊伐晉豈

口杜預曰潞縣東有壺口關上黨記曰潞獨漳也縣城臨潞東北八十里有黎城臨壺口關

地形志刈陵有積布山

刈陵後魏改潞縣置故城在今黎城縣西

唐書地理志黎城有銅山壺口故關

水經注漳水於是左合黃須水口水出壘壁西張諱巖下世傳巖赤則土羅兵害故惡其變化無常恆以石粉孖之令白是以俗名張諱巖其水南流經壘壁西又南入於漳漳水又東北歷望夫山之南有石人竝立於山上狀有懷於雲表因以名焉

黎漳水入襄垣境東北流左受隍水又東流至望夫山折而南過黎城西境黃須水自東北來注之東南入林縣境鄭注於此條下始出渥水蓋誤以下流爲上游故所序望夫山黃須水皆凌亂

次失

元和志古壺關在黎城縣東二十五里春秋齊國夏伐晉

取八邑有孟口孟口卽壺口也聲相近故有二名白巖山

案今關名東陽關在縣東十八里白巖山在縣西八里志家唐故縣而言

方輿紀要吾兒峪卽古壺口關太行山口也其地至爲要隘後唐清泰三年張敬達等攻河東爲河東及契丹所敗趙德鈞將盧龍兵由土門路赴救進至吾兒峪趨潞州元至正中察罕帖木兒塞吾兒峪以遏賊衝是也濁漳水在縣西南二十三里東南流入河南林縣境清漳水在縣東北三十里東入河南涉縣境

黎城縣志曬布崖在縣西北七十里積布山縣北少西

六十里石圍山縣北百二十里一名龍山

又蜡岡龍山縣北一百一

十里金牙山縣東北二十里東南連玉皇山黎城山惟金牙最高夕陽晶瑩上有北極廟繡屏山東北三十里東

連金牙列屏縵錯元至正二年正月朔李仙姑蛻於山

巖云嵐山縣西二十里一名蒼龍山廣志山縣西三十

五里陟巖望見百里西北接武鄉西南接襄垣一名王

至山山高而狹峰巒峻峭

案袁宇記郡城下云上黨記
王屋山有關龍遷祠王屋卽

王之五仙山縣西南二十里五峰似人形聯珠山縣西

南二十里西北連嵐山山自西北延抵漳陽石巖漫突

如球東神山縣東十里以勒祀龍神名潞祠山縣東南

十五里有潞子嬰兒祠赤壁在縣東南七十里赤壁村

南石崖深澗高五丈有奇漳水至此急流落澗聲吼若

雷氣騰若霧浪噴若珠壑峒山在羊羔村金王大用龍

祥觀記王回村張可用隱壑峒山谷之石室山舊乏水

條石壑泉溜不竭不溢病者飲之獲安人得以濟

西平
順縣

地今又石仁山卽望夫山九龍山上有寨並縣西北六

十里信山橫山並縣西北三十里鼈山縣西五十里鳳

凰山卧牛峰上有石盤寨並縣東北三十里懸水崖縣東北

八十里桃花山上有寨縣東北五十里玉皇山東北二十

里蔣姑山縣東十里大乘山縣東南八里龍耳山縣東

南五十里侯壁山縣東南六十里

黎城續志黃須水今東河也源出縣東北白巖山東南

流城南會西河南流入漳與水經注合水側有東黃

須村西黃須村蓋村名之最古者

右清漳以西諸山環榆水武鄉水涅水之東在遼

州之榆社沁州之武鄉及潞安之襄垣黎城境者

由沁州花山溯小漳北源而上爲武鄉西界之走馬嶺又北

爲護甲嶺涅水所出蓋卽覆瓿山也西連平遙之上殿山在沁源北當謁戾山之背爲太行絳山分界之首護甲嶺之東山連遼沁者迤北曰禪隱山曰黃花嶺曰馬鞍山曰泉頂山曰梓荆山曰漫天嶺摩天嶺鼓腰嶺曰石會關馬陵關並在榆社境爲榆水以西之山迤南曰白馬山曰盤石山曰三交山曰蓬萊山曰北軫嶺曰八角山在武鄉境爲武鄉水以西之山

郡國志上黨郡涅縣注山海經曰謁戾之山有金玉沁水出焉郭璞曰在涅

方輿紀要漢涅縣城在武鄉縣西六十里

地形志鄉郡陽城縣有涅城覆瓿山涅水出焉東南合武鄉水

水經注涅水西出覆瓿山而東流與西湯溪水合水出涅

縣西山湯谷五泉俱會謂之五會之泉交東南南流謂之西
湯水又東南流注涅水涅水又東經涅縣故城南縣氏涅
水東與白雞水合水出縣之西山東徑其縣北東南流入
涅水涅水又東南武鄉水會焉水源出武山云云文見前又
南得黃水口黃水三源同注一壑東南流與隱室水合水
源西北出隱室山東南注黃水又東入武鄉水武鄉水又
東南注於涅水

方輿紀要鼓腰嶺在榆社縣西唐會昌三年澤潞帥劉稹
遣其黨康良佺等守石會關良佺爲河東將王逢所敗棄
關退屯三十里守鼓腰嶺蓋與沁州武鄉縣接界石會
關在縣西北又西卽武鄉之昂車關系昂車關在武鄉東
北不當云在石會之
西爲扼要之處唐置關於此馬陵關縣西北九十里與太

谷接界其東接和順之孫臚坡俗謬爲麗涓自刎處有巡司戍守

舊通志禪隱山在榆社縣西六十里接祁縣界東南一

徑蜿蜒入寺下有道人泉上有仙人洞長老松山下出

泉黃花嶺在縣西五十里漳水經其下

案黃花嶺卽水經注之黃水口

也神隱山卽水經之懸室山也其水入武鄉水而非武鄉水之正源志以榆社之西河爲濁漳之一源已謬而及以黃水當之指馬鞍山在縣西北五十里接太谷爲王源尤爲混淆

界積石嶙峋高入雲漢中峰兩岐山下有清水泉頂山

在縣西北七十里

縣志在西鄉四十里俗名漫天嶺摩海金山爲西鄉中流底柱

天嶺並縣西六十里梓荆山在縣西十里山勢陡絕

上有石室似甕形廣六丈內有梁山伯祝英臺二石像

入室人聲石室交應名響堂又石佛洞在縣西七里郝

壁洞堯神岡並縣西南四十里帽盒山縣西南五十里
武鄉縣志護甲山在縣西一百里今名分水嶺白馬山
在縣西七十里有晉世子申生及狐突廟石盤山在縣
西北七十里石臼山西三交山在縣西七十里山水交
合蓬萊山在縣西五十里北軫嶺在縣西十里八角山
在縣西五里又有鳳凰山在縣西二十里祁村時山在
縣西南三里陽城山在縣西南十里

涅水之石山連沁潞者曰西湯谿曰爛柯山曰麟山曰聖鼓
山曰檀山並沁州東境其龜山筆峰山城外二阜也曰紫巖
山曰獅山曰五音山曰韓王山並襄垣北境其桃林山城西
小岡也州之西小漳所經縣之南濁漳所經也

舊通志西湯在沁州北六十里爛柯山在州東北四十

里武鄉界嶙山在州東三十里有宣聖祠聖鼓山在州
東北五里有圓石象鼓擊之有聲下有水流入漳河土
人名小河龜山在北郭外二里漳沁二水匯其前案此
即入漳

之小河筆峰山在州南一里有三峰似筆架

潞安府志紫巖山在襄垣縣西五十五里色紫一名寶
峰有麻衣洞深一里麻衣僧者後周縣上人修巽山中
建寶峰寺著相書金鎖賦銀匙歌行世獅山在縣西四
十里九龍村東又名九龍山西連紫巖山十五里五陰
山在縣北二十里一名神頭山地形志襄垣有五音祠
舊志載魏孝文將幸潞天地昏黑五日帝不敢進問變
故慕容赤土極言時政之得失剖心以明天遂開朗故
屯留有疑山襄垣有五陰山俱有廟祀將軍未知所本

案別志又載慕容爲隋韓王山在縣北十五里山殊迥
文時人蓋皆里俗流傳韓王山在縣北十五里山殊迥
秀上有韓王廟劉龍韓山詩注山有峰出諸山之表巒
然陰森暑中望之輒有寒色桃林山在縣西十里舊多
桃上有香巖寺寺後浮圖九層元季風折其半又有小
虎邱山在縣西北三十里迴轅店東南隅有泉相傳魏
孝文帝幸潞於此迴轅松石林山在縣西北三十里上
黨記邑帶山林茂松生焉案冀州圖松門嶺在襄垣縣
北一百三十里道通太原縣
路又地形志黎城有松門嶺今皆不能指其
地然襄垣北百三十里當在武鄉境內矣

右清漳以西諸山環渾水左右在榆社武鄉沁州
襄垣境者

清漳以東之山亦分二支一自沽嶺之大要谷迤而西爲八
賦嶺漳之西源出其北其山延袤而南歷遼陽川至遼州城

而止一自大要谷迤而東爲松子嶺漳之東源經其西其山
分布而下歷和順城東至黃榆嶺與直隸之邢臺界又歷遼
州東境南至黃澤關與河南之武安界

漢書地理志大颶谷清漳水所出東北至邑成大河

案

颶谷乃大要谷之訛篆書要字作變與颶相似也漢書邑
成縣據地理志漳至斥章入河而志又謂信都有故漳河
則邑成實阜成之譌由隸書邑作阜阜亦作信都有故漳河
誤耳信都有昌成縣後漢改爲阜成也然信都乃故漳不
得自爲經流

班此志頗疏

水經注清漳水出上黨沾縣西北少山大要谷南過縣西

又從縣南屈東過涉縣西注淮南子曰清漳出謁戾山高
誘云山在沾縣今清漳出沾縣故城北俗謂之沾山後漢
分沾縣爲樂平郡治沾縣水出樂平郡沾縣界其山亦曰
鹿谷山水出大要谷南流經沾縣故城東不歷其西也

案

嶺在今平定州樂平鄉西南二十五里大要谷又在其西二十五里沾縣故城在鄉西南三十里

寰宇記遼陽水從平城縣西北八賦嶺下出名八賦水

平城

縣下云北八賦水在縣西東南流經古遼陽城南謂之遼北一十四里出北八賦嶺

陽水又東過合清漳水號漳水遼陽川在遼陽城西二十里中間遼陽水通流

方輿紀要松子嶺在和順縣北三十里接樂平界有關在其上嶺路崎嶇最爲險峻下有松子水黃榆嶺關在縣東八十里太行山頂通直隸邢臺縣洪武三年置巡司戍守黃澤關在遼州東南百二十里黃澤嶺上山勢險峻路徑曲折凡一十八盤元置關於此通河南武安縣洪武十一年置巡司戍守

北八賦嶺在和順縣西北有南嶺故曰北亦卽轅山其水爲

隸水也。迤南曰大嶷山，梁榆水所出。又南曰斷狐山，曰九京山，曰堯神岡。其在遼州城東，當清漳二源之會者，曰遼陽山。水經注：清漳水又南得梁榆水口，水出梁榆城西大嶷山。水有二源，北水東南流，經其城東南，注於南水。南水亦出西山，東徑文當城北，又東北徑梁榆城南，卽闕與故城也。其水左合北水，北水又東南入於清漳。清漳又東南與隸水相得，隸水出隸陽縣西北，隸山南流，徑隸陽縣故城西，南東流至粟城，注於清漳也。

寶字記和順縣晉大夫梁餘子，養邑遼陽縣。後魏明帝改

隸陽，隋初改遼山。因縣西北隸山爲名。九京山在和順縣

西十一里。禮記：趙孟與叔向遊於九京，卽此也。宋平遙縣

京山記並引趙文子事而九京川在九京山北東西二十州並有九

里斷孤山在平城縣南十五里其山高於衆山四面孤絕
有斷孤水出焉遼陽山在遼山縣東三里

方輿紀要梁榆水今出縣之石墩嶺流經縣東南合於清
漳

舊通志八賦嶺在和順縣西百二十里嶺分二支一名

八縛嶺石墩嶺在縣西北四十里堯神岡在縣西南四

十里又有三尖山三峰屹峙在縣西九十里嶺山下有

昭濟祠在縣西八十里

遼州城西三里亦有峯山志云四時蒼翠西陽有昭誌泉

鳳山在縣西八里一名鳳臺山勢似孤冢嘗有鳳集於

此雲龍山在縣西十里有石井雷音臺

案平城故縣在縣西一百里則

三尖山當卽寰宇記所云斷孤山也

和順遼州之東山以南萬水分南北水北之山起縣之松子

嶺曰龍泉山曰麻衣山曰石鼓嶺曰首陽山迤而東曰合山
曰鹿苑原曰虎谷曰馬嶺洞又東則黃榆嶺關也水南之山
起州之東雲山曰瓊洪山曰紫陽山曰千畝原迤而南曰箕
山又東曰五指山曰鬼谷又東曰十八盤卽黃澤關也曰轉
鞍嶺曰摩天嶺曰莊軍嶺屬州曰風門嶺曰夫子嶺屬縣悉
東出之隘也與二關並爲太行之左限

震字記南萬水在和順縣東南四十八里出黃萬嶺下又

有南松嶺水北松嶺水舊通志萬泉水源出縣東六十里

東六十里圍馬平村一名清河案出合山東者在縣東北

與震字記不合當以海眼泉爲正源也又案南萬水亦清

漳之別源與韓陽水爲東西二源松首陽山在縣東四十

里按論語鄭康成注首陽山在河中蒲坂城南今陽區山
俗號爲首陽山案此因孤竹在遼箕山在遼陽縣西四十

五里

文見前榆社箕山下

又有鬼谷五指山在縣東五十里

州志七十里

李穆叔趙記云遼陽東北有五指山巖石孤聳上有一手一足之迹其大如箕指數俱全又郡國志云北齊文宣王遣人量之長七尺又十六國春秋云石勒生時此山草木皆爲鐵騎之形千畝原在縣東南三十二里地方千畝平原膏腴人賴其利

方輿紀要合山在榆社縣東四十里盤踞紆回上多松柏下有郎君娘子二泉石鼓嶺在縣南三十里又南松嶺水出縣西南四十里南萬嶺其松子水亦曰北松嶺水俱流入漳水案此依附寰宇記爲之以黃嶺與松嶺合爲一山泉水故此云南萬也松子嶺則在二邑之界北松山亦入樂平也黃澤嶺遼州東南百二十里太行山上

舊通志龍泉山在和順縣北八里層巒疊嶂間凌空構
壽聖寺山右之陽有龍泉雙液潺湲尤甘潔所謂北泉
也泉下有新月沼西有浴浪橋山東有噴珠潭左有射
斗峰盤旋上陟有浚雲松伏鸞邱環拱山前有紫衣屏
麻衣山在縣北五里宋太祖征太原道經此躬祝佛前
曰此行只以弔伐爲意誓不殺一人上有麻谷古寺石
屋麻衣信卽相錢若水傳相法者也鹿苑原在縣東相
傳爲趙襄子養鹿之所虎谷在縣東六十里有厚德山
印臺山在谷前門樓延筆峰山登雲嶺又有新泉南虎谷
水王雲鳳有虎谷十八詠馬嶺洞在縣東六十里山象
新月內有洞入洞轉南用梯上又有洞容千人有石佛
禱雨多應黃榆嶺南連清風站北連馬嶺其旁峭壁際

天中有懸泉如玉柱下匯巨澗嶺有重關巖高木密黃

榆古戍卽此

案志謂漢建安九年袁尙武安長尹楷屯毛城通上黨程道者在此非毛城在涉縣

北三十里毛嶺口在遼州馬嶺在黃榆關北三十里下

南界西南通黎城吾兒峪有澗溝二十餘丈名鬼谷相傳王珂藏修於此清風嶺

在關南三十里山勢高聳盛夏不知暑並有邊牆敵樓

又有風門嶺桃樹平嶺連邢臺縣界夫子嶺在縣東七

十里有宣聖廟東雲山在遼州東十里州巨鎮也高峰

茂林雲興則雨上有石岱巖建殿閣俯視行人如蟻窠

洪山在州東十里有棲真洞甘泉谷紫陽山在州東三

十里有七龍洞一名紫陽洞頂水有石乳流淌禱雨輒

應十八盤在州東百二十里東西一徑盤旋路有十八

轉卽黃澤關地形志遼陽有黃澤嶺宋志遼州有黃澤

岩金遼州關一黃澤元元統二年晉甯路遼山縣十八
盤立巡檢司轉鞍嶺在州東八十里摩天嶺在州東九
十里莊峻嶺在州東北一百十里又和順有南尖峰驪
王崖並在縣東北石城山在石城里獨堆山在獨堆里
遼州有鼇峰在州東一里烈音巖在州東王家莊附志遼山
有冀棘水當是箕山棘水爲箕譌冀又脫山字通典遼
山縣東北有鬼谷今在黃榆嶺北余志和順有青谷水
蓋指清河而據寰宇記則在榆社又石
公泉亦在榆社志云出和順合山之東

右清漳以東諸山在和順遼州境者

太行西麓環沁水九百餘里與緜霏諸山相翼而行其獨橫
於汾川之東原者則爲祁縣太谷榆次之山又迤東至沾嶺
得洞過水源復與汾東潯南諸山相會延袤及三百里爲太
原上黨之中界爰次自平定陡泉嶺西南抵平遙中都谷悉

統以洞過南山

水經洞過水出沾縣北山西過榆次縣南又西到晉陽縣

南西入於汾

方輿紀要洞過水源出樂平縣西陡泉嶺西北流入平定

州界

嶺在今樂平鄉西四十里東北至州亦四十里

中都水出平遙縣東二十里

中都谷橫嶺下

陡泉嶺之南曰木瓜嶺在和順界有木瓜水其西卽北八賦嶺也今名八縛在榆次界曰大廉山涂水所出曰鷹山小涂水所出涂水之東迤北曰盤腸嶺曰榆城坂涂水之西曰臺壁谷其北曰鹿臺山南曰寶峰山又南曰大塔山金水河出焉入太谷界

地形志同過水出木瓜嶺一出沾嶺一出大廉山一出原

過祠下五水合過故曰同過

案沾嶺卽陡泉大廉卽水經注大嶺

水經注榆次縣故涂水鄉晉大夫智徐吾之邑也河過水又西南爲涇湖謂之祠過澤澤南涂水注之水出陽邑縣東北大嶺山涂谷西南經蘿蘿亭南與蔣谷水合

元和志麓臺山俗名鑿臺山在榆次縣東南三十五里麓臺山祠俗名智伯祠在麓臺山上

寰宇記臺壁谷在榆次縣東南六十里

案方輿紀要縣東南五十里有廢臺

相傳冉閔爲并州刺史所築或卽此臺壁當與麓臺山相連也

舊通志鷹山在榆次縣東南八十里峰聳以鷹小涂水出焉東南對八轉嶺盤腸嶺縣東南五十里危峻多巨木其勢盤曲如腸榆城坂東南三十里壁立數十仞旁徑險仄盤腸嶺之前勁也上有土寨下有懸窰寶峰山

在馬欄村蜿蜒偉特山之陽溪水可玩下有龍池水最

清澈

榆次縣志八縛嶺距縣一百里入縛水出其下又東北

大涂水出焉北十里爲曹家嶺長五十餘里西北有貓

頭嶺

明崇禎中知縣任
游勅土寇於此

漫天嶺俱險峻神林嶺在曹家

嶺北東接和順境北去縣八十里其北三里有山兀竦

土人名雁山西有水入大涂舊志謂鷹山者或卽此歟

柏駱山在八縛嶺西八里四壁陡峻高數十仞上有寨

少南有三縣腦

西南屬大谷
東南屬和順

西北爲帽山爲架嶺又北

爲青楊嶺緣亘十餘里在涂水西有紅羊山石梯嶺其

南爲大羅山山勢平行西南屬大谷有大塔峰金水河

出焉魯仙山在白田村北西南距大羅山十五里有古

刹曰靈峰寺亦曰魯仙寺西北二十里卽麓臺山北有

麓臺寺四面皆溝形勢扼要少南爲寶峰山寶峰之東

五里爲神頭山與峰相對

神頭山在縣東南三十五里舊通志誤以爲神林嶺

與偷社八賦嶺連脊而南者曰恤張嶺象谷水所出也又南曰黃花嶺回馬水所出也介其間者曰馬嶺關俗曰馬陵並在太谷界自關而西曰咸陽谷曰奄谷曰鳳凰山曰灰泉山迤邐而南至白壁嶺入祁縣界

地形志陽邑有白壁嶺樊陽水入表山徐水

案徐水卽徐水之訛入表

山縣志曰或入賦之異名也

水經注蔣谷水出縣東南蔣谿魏土地記曰晉陽城東南

一百一十里至山有蔣谷大道度軒車嶺通於武鄉水自

蔣谿西北流西經箕城北又西合涂水亂流西北入洞過

澤也

案蔣谷卽象谷之同聲而異文者武鄉故縣在今榆北則軒車嶺當在馬嶺間矣象谷地形志系之沾

縣而說爲據或作嶽尤誤

元和志白壁嶺在太谷縣北七十五里

舊通志縣南七十里蔣谷水

今名象谷水源出縣東南

當作東北

象谷經縣北四里

方輿紀要馬嶺在太谷東南七十里又東南至榆社九十里路通直隸順德府今馬嶺關在其上

太谷縣志象谷在縣東北五十二里廣三百步袤四十

六里有水卽象谷河

舊通志河源出榆社榆社張嶺下

北魏正光三年六

月并州靜林寺僧在陽邑城東象谷掘藥得玉壁五圭

十印一玉柱一玉蓋一並以獻黃花嶺在縣東南七十

五里烏馬河源所出

卽回馬谷水

由回馬谷入路通榆社崎

嶇僻狹與馬陵關相表裏嶺底卽榆社界咸陽谷在縣

南十五里麥十里山上有泉出谷口名咸陽水城塚記

秦伐趙築城近谷口以咸陽兵戍之故名

宋袁宇記咸陽故城在縣

西南十里云云此引城塚記未見其書

奄谷在縣東南十五里石壁有佛

像號千佛崖有水名奄谷河鳳凰山在縣南十二里上

有空王佛殿浮圖三雁行而立又有福緣龍泉二寺山

麓有耐泉灰泉山在縣東南二十里有谷德將軍廟山

下泉瀦爲池今涵又志云由咸陽谷入有筆架山一名

馬鞍山崇巒秀巖高出羣山有龍門壑在鳳凰山西產

林禽極佳由奄谷入有松嶺有磨龕山山半有寺亦名

磨龕並在縣東南三十里又有南卦谷在縣東二十里

谷中泉分四派故名馬明王谷在縣南十里有河流抵

城下其東爲黃土谷石馬嶺有石似馬藥伯山有藥伯

祠並在縣東南三十里風景山一名大佛山在縣東南十八里上有石佛高約四丈許建閣三層供之鳳翼山一名二佛山在縣東南二十三里鳳凰山之右翼也有石佛建閣供之又雪峰山縣東一百里與和順縣接壤左倚八賦右連大塔峰岳聳秀林木蔚然有石孤立巖冬大雪獨不積疑內有崧石丹砂也

謹案明地理志方輿紀要舊通志並謂太谷卽縣南之咸陽谷縣志辨爲在祁縣今之子洪口是也惟引地形志祁縣有太谷水發源於陽邑之太谷而西注於祁則臆爲之說魏收志無此文也水經注侯甲水西北歷宜歲郊經太谷謂之太谷水出谷西北流逕祁縣故城南元和志祁縣胡甲水一名太谷水東南

自潞州武鄉縣界流入又南入汾州平遙縣界侯甲
胡甲同聲字今于洪口之沙河也水出口西流逕祁
縣北十五里賈令鎮南又西至平遙界入汾與故道
小異祁縣故城在今縣東南十五里去水頗遠疑屬
八誤以賈令爲賈大夫邑又誤爲故祁城也
而太谷之地望則確無可易漢田邑報馮衍書云上
黨見闕不窺太谷自古卽爲孔道其地在縣西南三
十里距祁亦三十里豈隋改陽邑置縣時地界實至
谷口至唐並割祁縣置太州其後廢州以地分隸二
縣遂以屬祁歟

由馬陵關而南歷涅氏故縣其西爲武鄉之胡甲嶺卽涅水
所源之覆飯山其北流者則胡甲水也循水源而北爲隆州
谷有南關在武鄉界有北關入祁縣境谷之東曰橫山曰盤

陀嶺曰雙臺山谷之西曰紫荆山曰溫風嶺曰牛心山曰伏
熊嶺皆坡陀相屬而北盡於團柏谷口其支出於南關之右
與武鄉之西郊山隔對峙者爲麓臺山卽謂戾之北麓也
盤回於武鄉沁源平遙祁縣之境西盡汾川限以中都水爲
太行與縣山之分界

水經注侯甲水發源祁縣胡甲山有長坂謂之胡甲嶺卽
劉歆遂初賦謂越侯甲而長壟者也蔡邕曰侯甲亦邑名
也在祁縣侯甲水又西北歷宜歲郊逕太谷謂之太谷水
出谷西北流逕祁縣故城南白縣連延西接鄆澤是爲祁
數卽爾雅所謂昭餘祁矣賈辛邑也

元和志幘山在祁縣東南六十里

金志武鄉有胡甲山鎮一南關祁縣有幘山太谷水鎮一

團柏

方輿紀要隆州谷關在祁縣東南九十里南通沁州北通
徐溝兩壁皆山道旁有水卽胡甲水也洪武三年置巡司
戍守亦曰隆州谷北關宋靖康末女直將粘沒喝自太原
分岳趨汴平陽叛卒導入南北關粘沒喝歎曰關險如此
而我乃得越南朝可謂無人遂取威勝軍陷隆德府案此
氏誤入之靈石茲正又隆州城北漢築以備宋者宋
史太平興國四年乙丑克隆州獲其招討使李詢等六人
五月丁酉廢隆州置其城是也金史興定四年嵐州觀察
使古里甲石倫言北兵攻平陽將及潞州還當由肥州谷
以入太原請兵扼其歸路元光初獲勝節度使馬顯扼龍
豬谷破元軍擒元帥韓光國追至祁縣而還龍州龍豬皆
隨筆之訛明史地理志書爲隆州通盤陀戍在縣東五十
志及縣志又作龍舟實皆一地也
里宋靖康初金人敗种師中之兵於榆次乘勝趨威勝軍
與姚古遇於盤陀山古軍退保隆德今爲盤陀驛團柏谷

在縣東南卽隆州城之地

祁縣志上嶺山有五龍堂下嶺山有幽仙寺山東接太谷南接武鄉高峰壑山在上嶺東十餘里一名雲伏巖山分二支轉而東北者爲絲嶺自麓十八盤始至巖轉而北者爲龍山山巔積雪不化有雙泉墜鍾崖在下嶺爲宋諸仙禪師遺蹟雙臺山在縣東南梁村東雙臺對峙牛心山在縣東南七十里水泉四而峰巒特秀紫荆山在牛心山南距縣百餘里山最高袤十里石多五色西崖有赤石洞巔有泉池西巖有銀洞今閉又北有風洞溫風嶺在紫荆山北有張果老窰天井峰槽蹄石諸蹟伏熊嶺在縣東南三十里有伏熊水麓臺山在縣東南七十里南跨平遙界迤邐接武鄉沁源靈石縣一名

頂山又名蒙山又名謁戾山有宋張商英麓臺銘

寰宇記

戾山一名麓臺山舊通志在平遙縣東四十七里武鄉縣東北一百二十里

龍洞在麓臺山

洞口風聲如吼深四丈餘內分四小洞口北爲龍王洞有水池三上橫三木過此有石乳下垂滴水南則太子洞洞濟侯洞俱有垂石滴水惟東南一洞遠不可測無敢深入者小麓臺山在縣東南四十三里山有九頭拱揖相向人呼爲九鳳朝陽山南數泉分流有洞濟侯祠又雙泉山在紫洪鎮南有石夫子洞石佛崖

武鄉縣志西交山在縣西一百里一作西郊山南關在縣西一百里北界祁縣西連上殿山皆絕險界連平遙至祁縣北關平遙上殿山皆十里

右洞過南山在榆次太谷祁縣境者

沾嶺以北之山當太行恆山之交其水皆北入滹沱而縣蔓水鳥河川最著世以平定孟故屬太原導山多自汾川然管涔之幹不能東至井陘石艾原仇亦嘗同隸遼州地絡所會固皆由沾嶺而支分也因太行而遠及之次爲縣蔓南山烏河東山

澤善地理志上艾縣縣蔓水東至蒲吾入序池水

唐書地理志孟縣貞觀元年省并州之烏河縣入焉

寰宇記平定縣本漢上艾縣地屬太原郡後漢書常山國晉屬樂平郡後魏改爲石艾縣隋開皇三年罷郡改屬遼州孟縣隋開皇十六年分石艾縣置原仇縣屬遼州大業

三年改原仇縣爲孟縣從漢舊名

漢舊縣在今縣西南一百三十五里屬陽曲縣

舊通志孟縣西百里烏河川上凌井村後魏置縣城縣唐武德三年改名烏河案後魏地形志有撫城而不言爲縣

志不知
何本

沾嶺沾水所出一名少山山之東舊樂平縣所治也其西麓
爲大要谷又有石馬谷迤而北至陡泉山洞過源其西東則
鳴水出焉其南麓曰松子嶺曰荆山迤北曰蒙山迤南曰黃
巖曰石梯山曰橫山又東至白巖山楊趙水出焉其水並流
注於沾水鳴水之北曰泉落山曰甕山曰華菴山與平定南
川之山連楊趙水之南曰黃沙嶺東通贊皇而南與和順縣
之馬嶺連

元和志沾嶺在樂平縣西三十里少山一名河逢山在縣
西南三十里福地記曰河逢山高八百丈可避兵水此卽
恆山之佐命也

寰宇記樂平山在樂平縣東七十六里卽古東山泉落氏

之地漢因山以名

案漢無樂平縣東府志樂平開皇十六年分置遼州及東山縣大業初廢州及

縣有皋落山樂史蓋誤皋落山爲樂平山隋縣爲漢縣又

案東山皋落氏左傳杜注在晉國都東今垣曲有皋落鎮

見水經注潞安有東山見上黨記並以爲

皋落氏之故墟去晉都爲近不當在此也

方輿紀要松子嶺在樂平南四十里接和順縣界小松水
出其北石梯山在縣東南六十里石磴陡絕如梯又十里
爲橫山山勢橫亘西入壽陽縣界白巖山東南八十里下
有揚趙水北流合沾水其麓據馬嶺隘口接直隸邢臺界
又鳴水出陡泉嶺與石馬水合東北入沾水志云縣西南
三十里有石馬谷也

舊通志荆山在樂平南四十里趙壁村東蒙山在東二

十里一峰拔上上有龍祠

劉暉夜踰蒙山而東山在太原黃巖山東三

十里山右多黃有懸泉入石甕土人乏水多汲於此甕

山東七十里有甕山祠

石甕潭在草寺村東山峻間廣一畝深不可測巨石覆其上天

壑孔竅阜落諸水由此溜入迅疾則山巨石徑下下多白石壑中有空洞而碧澗注之語曰空巖者神明之窟

也戶華菴山東九十里嶠厲縣巨嶺殊廣平俯視臨城贊

皇諸縣有洗頭盆泉冬夏不竭迤北有霧窟陰雨則雲

霧滂然一名望川樓山西石崖有古洞黃沙嶺東一百

二十里山谷袤六十里東爲十八盤

嶺東有九龍關十八盤在贊皇縣西

六十里北史爾朱兆至廣阿齊武獻王令遙授并州刺史

李密募殷定二州兵五千鎮黃沙井陘二道唐書寶建

德援王世充高祖命檢校并州總管劉世讓率萬騎出

黃沙嶺襲洛州又長壽山西二十里下有龐家峪鐵佛

尖山西南五十里東連石馬一名石尖山獅子山西南

十五里方山西南十里牛頭山東十里接蒙山板橋山

東南二十里有古石梁棲霞山東南四十里一名犀牙
水谷山東南六十里古柏巖東南八十里白鶴山北一
名坐化巖相傳有母女獼犬化此白鶴山東七十里石
龕村巖下有石作雙鶴相顧形老人峰東六十里黃沙
嶺隘口奇峰山皋落村東二里形類積粟相傳爲萬糧
堆孔子巖東八十里嶂石巖東一百里巖水肖乳卧佛
巖東一百里孔子巖東又孔子崖東北九十里崖下有
宣聖顏曾像地形志沾有夾山今不知所在元遺山馬
嶺詩有仙人聚錦繡堂樂平和順並志入
所謂鶴度嶺也
今地屬內邱縣

山沾嶺循陡泉而迤北有長嶺橫亙於平定南川者爲七里
山當嶺之首東下曰嘉山州城所直有嘉水東流入城西下
爲壽陽之芹泉桃水之源卽縣蔓水也曰冠山曰玉屏山曰

石樵山在州南又南爲金泉蹇平侯神諸山而東至於藥嶺皆嶺脊所支分也曰黑沙嶺曰鵝山曰獅子山折北爲石甕卧虎卧龍諸山而東至於石門皆絳蔓水所經流也曰懶壘塢曰試劍峰並在東曰金牛山當石門上口爲南川水北入絳蔓之會

水經注絳蔓水上承桃水水出樂平郡之上艾縣東流世謂之桃水東徑靖陽亭南故關城也又北徑井陘關下

舊通志芹泉在壽陽縣東二十里源二一出鴉鳴峪曰南芹泉一出太平峪曰北芹泉合流入平定州

平定州志七里嶺在州西南四十里高七里南北橫亘數十里北極專嶺騎道嶺同爲南川水之北源南接羊延嶺寨平嶺侯神嶺爲南川水之南源

專嶺一名長壽嶺俗呼段嶺侯

神嶺一名大嶺西冠山在州西南八里山麓有資福寺
兩又有馬道嶺

上有元中書左丞呂公書院山椒有孔子洞一石琢成

西南隅有木一泓味甘冽居山者皆取汲於此其旁石

太原傅山篆書豐周馥飲四字又高嶺在山左側明知

府孫傑建嘉山在州西八里與冠山角峙下有龍井井

側有黑水泉流經州城東北合桃水上有豐樂亭靈源

公祠石樓山在州南十里許有豐水坳玉屏山在石樓

西南勢尤峭劣舊志石樓一名玉屏一小寨山在州西南四十里

陽勝水出焉金泉山在州西南六十里龍泉村有聖壽

寺藥嶺山在州南三十五里山下有石佛洞巖有清涼

院石嵯峨澗水清冽又尖山在州南四十里左家村亦與大嶺連黑沙嶺

在州西五里嶺脊有憑虛閣半嶺有勝水寺勝水出焉

鵲山在州西北五里上有匾鵲祠獅子山在州西北二

十五里一名蒲山巨石數丈盤聳松間石上有穴產菖

蒲水冬夏不竭有洞名蒲臺

禪巖在蒲臺南峰僧普惠示寂巖下故名又北有石

裴山爲八

景之一 卧龍山在州北十一里上有長者巖卧虎山

在州北十三里巖雲塢在州東八里王家莊西南澗泉

旁築石爲甍臺上建高尙龕祀淵明及釋慧遠仙人陸

靜修諸人試劍鋒在州東二十里相傳韓信下井歷時

試劍於此上有淮陰侯廟金牛山在州東三十里石門

口山麓有長國寺崖石上有北齊李清言碑

踰南川而東爲八疊坂俗名西天門其西柏井水所源其東

甘桃水所源也曰晉盤山東浮化山並在其南曰鏡山曰盤

石山並在其北而東至井陘關口爲故關山東北至娘子關

爲縣山絳蔓水出關合沽水爲冶河

元和志浮山在廣陽縣東南三十五里

州志東浮化山在州東五十里西去

西浮化山百里對峙境內有女媧祠西浮化山在州西八十里

有浮化水西流入洞澗水

縣東北八十里史記曰漢二年韓信與張耳欲東下井陘擊趙成安君陳餘聚兵井陘口二十萬廣武君李左車說成安君曰井陘道狹車不得方軌騎不得成列假臣奇兵三萬從間道絕其輜重不至十日兩將之頭可致戲下餘不從故敗今按井陘亦名土門盤石故關在縣東北七十里葦澤故關在縣東北八十里

平定州志分水嶺在柏井東卽八疊坂之嶺名西天門土人又名門限嶺高岡險要縣互南北嶺東卽甘桃河源東流至舊關入井陘縣冶水嶺西卽柏井河源過翠蛟潭至石門口合陽勝水入桃水

距州五十里金龍山上有明靈大王祠石

泉會兩山陡峻青玉峽在其間爲東西街道每逢夏雨山水暴漲行人難避光緒七年間避水歧路七道並在柏井

驛

鏡山在柏井驛西北由小澗西北入三里許四山

環繞天際圓光似鏡故名關峪口在州東四十里上下

盤石村界有北齊武平四年所鑿石龕

資福巖在盤石村巖腹天成石

龕深闊幽僻值人欲由盤石村南洞入山巖外覆旁有水涓滴似乳名乳泉曲盤徑上石橋險絕相傳仙人修煉於此晉盤山在州東南四十里山形盤錯故名北與

東浮山對峙東浮化山一名浮山在州東南五十里西

去西浮化山百里有女媧鍊石窟

州東南之山志又

十里有宋治平碑龍鳳山距州一百四十里白城溝村山有石井玉帝觀羅氏山一名花紫山巖高萬丈石壁

秀奇

半岩滴泉下有石盆盛之蒼巖在井陘界有

故關

橋樓石直溝說經臺諸勝境並距州百四十里

山州東九十里兩山險隘關踞其中卽古井陘口北十里爲娘子關史記正義井陘故關在石艾縣陘東十八

里卽井陘口柏井城漢韓信所築史稱未至井陘口三十里而舍卽其地也縣山在州東北九十里娘子關古城東舊志承天澤發於此山下諛水簾洞在娘子關妒女祠下半崖間清流千尺形似珠簾今潤娘子關卽古葦澤城相傳唐平陽公主駐兵於此一說以妒女祠名芹泉之北爲方山山之陰烏河所源也環烏川之左北抵滹沱南極絲蔓娘子黑山二關並峙其東爲孟縣及平定北境之山烏河經流百里而實沾嶺以北汾川以東之限故舉以表界其在平定境者北有鹿泉四角玉泉興龍諸山迤東曰龍頭巖白雞山桃花山石甕泉山又東曰承天山卽縣山之北峰也滹發水出焉皆南流懸蔓而北循文谷水與孟縣分

山

舊通志方山在潯陽東北四十里唐李通元隱此著華

嚴論中有長者龔文殊臺雲松殿一名神福山平定州西北五

十里孟縣西南三十五里烏河出孟縣西境山環烏川而北又北而

東入滹沱孟縣志縣西七十里其源發於陽曲張黃寨東流繞北過邢村峰巒列時一連七曲號七

星山又東滹沱河由定襄浮石口東流入縣北境合烏

過蓮花棧河水東經榆窰口入平山縣界黑山在五臺縣東南九

十里接平山界山東爲黑山關

平定州志鹿泉山在州北二十里四角山在州北三十

里下出三泉玉泉山在州北三十五里興龍山在州北

六十里山有硯石龍泉仙人秦元碑又州西北有試刀石山即西之關家

峪有巨石巖然中嵌俗傳有關將軍名西謂白雞山在

者試刀於此又有佛爺山距州五十六里

州東北二十里唐李存勗獲白雉晉王克用表進於朝

故名

一說李嗣昭獲明統志上有晉王祠

桃花山在州東北二十四里石

甄泉山在州東北五十里懸崖百尺其形似甕水深莫

測又州東四十里有鳳凰山青龍山東北十六里有龍

頭巖魁頭山六十里有盤石六度巖七十里有果果

老洞皆在縣承天山在州東北九十里唐建承天軍一

名承天山又名紫金山澤發水出焉有介子廟妒女祠

祠在娘子關澤發水上山有老君洞崖石上刻曰韓愈

吳丹過此洞門左有唐大厯二年修承天城碑記懸泉

卽澤發水源也元好問有承天懸泉詩詩註平定土俗

傳介子推被焚其妹介山氏恥兄要君積薪自焚號曰

妒女祠其碑大厯中判官李謹撰詞旨殊謬至有百日

積薪一日燒之之語鄉社至今以百五日積薪而焚之

謂之祭妒女

寰宇記澤發水一名阜漿水亦名妒女泉源出縣東北董草壘陳今其泉初出大如

車輪水黃碧旁有村土人祀之婦人炫服觀牧必與雲雨鄰國志云子推妹也故老傳此泉中有神似鼈豎伏夜遊神出水隨神而湧文谷水在州西北四十里源出其水東北流入井陘界

孟縣界至承天入桃水

其在孟縣境者以秀水分南北水源亦出方山東北流與香河會過溫泉峽至平山界入滹沱循水源而東曰李賁山曰雙鶴山曰紅面山迤北曰霞峰山迤南曰石艾山又東至牽牛山南與平定界

舊通志細水河今名秀水河在縣西南溫泉峽在縣東二十里兩山環東原仇諸水皆匯此由峽口出上有溫泉注之紆回十餘里李賁山縣南二十里峰六澗三怪石秀林唐李長者隱此後葬於山墓存雙鶴山縣南十五里李長者住此著華嚴論雙鶴嘗翔集云紅面山縣

南八里相傳紅面長老化此霞峰山縣東南五里烏沙水經焉產石成蓮石艾山縣南三十里後魏以山名縣卽艾蒿坪嶺也牽牛山縣東三十里舊有牽牛廟又縣東十五里仙人村有仙人洞

其西並烏河而北者曰幸孤山曰千佛山曰高嶺山山之東有龍花河北流與烏河皆注滹沱又東有白鹿泓南流與香河同入秀水介其間者曰芝山曰藏山曰六師障迤而東曰白馬山古白馬關所在也爲縣北諸山之宗

元和志白馬山在孟縣東北六十里山海經曰白馬之山其陽多玉石其陰多鐵及赤銅木馬之水出焉山上有白馬關後魏所置

方輿紀要伏馬關在孟縣東北七十里赤名白馬關路通

直隸平山縣宋太平興國四年征太原契丹來援至白馬嶺與郭進遇契丹將耶律沙欲阻澗以待後軍其監軍敵烈不從度澗迎戰大敗白鹿泓在縣西孔穎達曰孟縣西有白鹿泓出自西北鹿山南渚案文見張守節史記正義以爲孔穎達謬本文作源出白鹿山南流明監本誤源爲魏誤白爲自誤流爲海此又誤改出自西北鹿山南渚也史記趙世家肅侯十六年遊大陵出於鹿門鹿門蓋在此水之西

舊通志幸孤山在縣西北二十里千佛山在縣西北三

十五里下有千佛寺原謬西五十里高嶺山在縣西北六十里

三峰刺雲有白龍洞風穴噓焉原謬縣東六十里藏山在縣北

三十五里相傳有程嬰藏孤洞山半崖壘環堵石榴灌

鉢旁有聖水出焉中有石龍空殼叢鱗盤立水際者數

尺禱雨輒應武全文志南北兩削而爲壁者二曰鑿屏曰交空崖壁間懸而洞者四曰東洞曰藏

身曰龍洞曰南洞挹而爲泉者三日飛瀑曰龍潭曰潭道泉錯而著名者五日洞壑曰龍池曰垂壁曰挂笏峰曰避靜岩案忻州有程侯山志亦芝山縣志作在縣北稱爲藏孤處蓋皆出流俗附會

十五里多松有泉盈流石徑作細大鳴與松韻相間六

師障在縣北四十里一名碧屏高可摩雲王琦遊記障出東山之上

崖削如屏遊者名碧屏山而土人仍謂之六師障傳有

六羽士化於山之洞內洞極遙東燎入或一二里不能

窮多燎滅而返廟構碑之殿門由裂石又石門在芝角

而入廟後倚深巖池水幽黑深不可測

村東山有巨石竅洞達似門碧巖四壁嶄巖垂麓有洞

有潭邑志載六師仙蹟云

孟縣志圖說龍花河發源於興道村北匯潭沓香河之

源發於南管齊通志名隄河秀水之源發於南上社一匯芝角

孤神慈寺山之衆流環城北一匯李賓雙鶴紅面山之

衆流環城南至西崖底而二水合羅河紫牛河抱孤山

匯醴泉環城北郭流入香河

察此二水當卽白鹿泓

又志云牛關

山在縣西北六十里馬宗山縣西北七十里了角山昔

出銅鑛乃高嶺支山禿鷲山在丫角東南孫江山縣西

北百二十里幞頭山縣西北百四十里

烏河至此與淨陀匯

又方

山村有玉泉山在縣西二十里藏山西有七機巖高二

十餘丈有明史文煥讀書精舍在縣北三十五里

與白馬山連峰而南曰玉神山曰白鹿山迤而西曰原仇山

曰鍊岫山曰水神山迤而東曰鞞蹄山曰龍霧山南盡秀水

之北岸而白馬水環其左與溫泉峽會水之東曰如來山迤

南曰越霄山又南與平定界

隋志孟有白鹿山

元和志原仇山在縣北三十里出人參鐵鉞縣取此以爲

名

舊通志玉神山在縣北五十里下有玉神谷麻仙谷羅
山巖白鹿山在縣北三十八里峰削成碧白鹿泉湧其
麓仇猶山在縣北六里山勢尊巍北鎮原仇有仇猶國
君廟土人名高神山一名太安明一統志山相近有太
安山蓋指竦岫也竦岫山在縣北十里仇猶山右山形
孤峙一名孤山水神山在縣東北十里有周世宗女祠
案縣於五代末屬北漢志謂世宗女棲此叩地獲泉殊無稽 鞞蹄山在縣北四十里
形似鞞下有何宴窟昔高士何宴隱此馬宗山云馬宗
牛閑隱此皆高士而 龍霧山在縣北四十里一名五花
邑志高行無其人 殿越霄山在縣東北六十里高入雲霄羣山莫京有伏
山洞巨人迹

孟縣志圖說陰山河由白馬山順流東下南入溫池

案此

卽木馬水也而忻州有牧馬河東流至定襄入滹沱志亦援山海經白馬山爲證然實各別爲山木馬牧馬文亦小異舊志竟合爲一云牧馬水西流入定襄界合滹沱是此水直越龍花烏河兩源而西矣亦不考甚矣

如來山在縣東北四十里有石刻佛像旁建五龍祠祠

西有洞洞中石乳三水滴如珠又蓮花山在龍霧山東

突頭覽山在縣東北五十五里鴨嘴山縣東北七十里

洪巖嶺縣東北八十里

白馬關之東爲六嶺關其北爲榆棗關得龍花水口循滹沱

南岸而東入平山界黑山關在焉有長城緣山谷而南跨娘

子井陘故關又南至和順之黃榆關而止其隘曰夏口曰黃

安關通平山曰橫河槽通井陘曰厭谷口通元氏曰白城口

通贊皇曰鶴度嶺通臨城皆東出之道在太行恆山間與諸

關相錯

舊通志六嶺關在孟縣東北一百六十里平山縣界榆
東關在縣東北一百一十里伏馬關東北四十里淳沱
河所經也路通平山古設關今廢土人名榆棗口由縣
北至五臺路明嘉靖辛丑俺荅入太原候騎薄其城下
畿輔震驚守臣奏立新關爲外拒於黃榆馬陵諸關
築長城數百里刀斗之聲相聞

孟縣志縣東北至夏口平山界八十里又黃安關十八
盤關並縣東北八十里與平山迷界橫河槽縣東九十
里路通井陘

平定州志厭谷口在州東一百四十里元氏縣界白城
口州東一百四十里贊皇縣界

樂平舊志鵝度嶺東九十里五代時北漢守險之地今
隸直隸臨城一名仙臺一名錦繡臺其北有漫天嶺

右隸蔓水以南烏河以東諸山在平定州及孟縣
境者